

wegen gebracht/das er denen in der Statt allen zu
 vnd Ausgang abgestriekt vnd genommen/also das
 sie sich anfiengen besser zu bedencen/ vnd nach dem
 sie die gefahr darin sie sich sahen stecken/ vnd zu ge-
 müt fürten/insonderheit als sie verstanden/ das der
 Graff von Lencester das Regiment Resigniert/ vnd
 den general Staden widerumb auffgetragen hette/
 das auch der Staden Authoritet vnd gewalt/wegen
 irer Wamlichen Resolution/täglich mehr zuname/
 vnd derhalhen diese widerspennigkeit inen zum ergste
 außschlagen möchte. Ist also durch Vnderhandlung
 Herrn Killegrens/Willughbys/vnd anderer Engel-
 ländischer Herren die sach so weit gebracht worden/
 da der Oberste Sennon sampt seinem vnderhabenden
 Kriegsvolck sich mit S. Excellenz Graff Moriken
 verglichen/vnd die Statt in seinen gewalt vberliefert
 haben; darauff der Oberste sampt seinem Kriegsvolck
 nach ertheilung gebührlicher Passporten/heraus/vn
 Seine Excellenz hinein gezogen/auch alsbald aller-
 ley gute/vnd zur besten versicherung der Land vnd
 Stetten nötige Ordnung anstellet. Der Oberste
 Sennon bezab sich gen Alefmar/vnd wolte sich mit
 viel vnd mancherley fürbringung entschuldigen.
 Die von Medenblick vnd andere theten ihm grossen
 schaden an seinen gütern/derowegen er Anno 1590.
 in Engelland gezogen/seine flag der Königin fürzu-
 halte/welche hernach Anno 1592. durch iren gesand-
 ten Thomam Bodley/desselben sach vnd Angeben-
 den Herren Staden hat fürtragē lassen/auff welches
 in die Herren Stadē wol vnd runtlich geantwortet/
 vnd gemelten Ambassador guter massen begnūget.

Ben dieser wehrenden vnruh/welche ettliche vn-
 ruhige Köpff/so da mehr ihren eigenen Ruh dann
 die Ehr ihrer Königin suchten hin vnd wider in Holl:

S S vnd

Ergibt sich
 an Graff
 Moris.